

TUSI TAIALA

**MO LE PULEA TATAU MA LE VA'AIA LELEI O
I'A MA FIGOTA O LE GATAIFALE**

O LE AFIOAGA O

ASAU

(Tusia Aso 28 Me, 1997

SAUNIA:

Pule mamalu a Alii ma Faipule ma tagatanuu o le Afioga o Fagamalo ma le Lagolagosua a le

Vaega o Faigafaiva,

Matagaluega o Faatoaga ma Faigafaiva

FAASOLOGA

1. Fa'amatalaga e uiga i le afio'aga,

1.1 Faamatalaga o foliga va'aia faanatura o le Afio'aga

1.2 Faafanua o lenei Afio'aga

2.m Tulafono i Aso ua Mavae ma Aso nei (Siosiomaga o le Gataifale ma Faigafaiva)

2.1 Aotelega o tulafono o le siosiomaga o le gataifale ma faigafaiva i aso ua mavae ma ona po nei.

3. O lenei Fuafuaga Tatau

3.1 Autu

3.2 Tapenaga

4. Fuafuaga Faataatitia a le Afio'aga

4.1 Ina ia faamalositia tulafono faalenuu e faasaina ai faigafaiva e le talafeagai i Asau.

4.2 Tulafona e taofia ai faigafaiva i ogasami faasaoina .

4.3 Fautuaga mo vaa suauu o lo'o afea le taulaga i Asau.

4.4 Ia iloioina le tulaga talafeagai o le faasaoina o se vaega o le gataifale o le Afio'aga

4.5 Ia iloioina le tulaga talafeagai ma le lelei o le gataifale mo le tufaina a atu ma le faafaatoagaina o i'a ma figota.

4.6 Unaia Faigafaiva i tua'au ma Aoaoga mo faigafaiva.

5 Talosaga a le Afioaga

Fa'alupega o le Afioaga

**Paia aiga ma le mammalu
ia Salafai, Le Ituala na lua
le Falefia ma le siu o le
fanua**

Faatomuaga

O lenei fuafuaga o le Pulega o le Siosiomaga o le Gataifale ma le Va'aia Lelei o i'a ma figota, na saunia e Alii ma tagata o le Afio'aga o Fagae'e faatasi ai ma le lagolagosua a le Vaega o Faigafaiva o le Matagaluega o Faatoaga ma Faigafaiva (MAF) atoa ai ma le Polokalame Fesosoani a le Malo o Ausetalia (Aus Aid).

Sui auai o le fono faai'u e taliaina ai lenei fuafuaga.

Ali'i Taua
Pulenuu
Failauga
Alii Ofisa sili o le vaega o Faigafaiva
Alii Ofisa Sinia o Faigafaiva
Alii Ofisa mo le Va ma Nu'u
Alii / Tamaitai Ofisa
Ma Nisi Sui
Sui o le Komiti mo le Vaaia Lelei o ia ma figota (KVL)
Ma nisi Sui

Sui o le Komiti mo le Va'aia Lelei o I'a ma figota (KFVL)

(Ia faamaeaina pe a uma le fono faai'u e taliaina ai lenei fuafuaga).

Vaega o Matai

Moananu Matemini
Gaea Apineru
Tuitamai Aitofele
Tufuga Solomona

Vaega o Aumaga

Masivao Lima
Leifi Sosene
Alofoe Masivao

Vaega o Tamaitai

Pogia Tiavolo
Tipa Maliko
Toufi Suatia

Sui o le Ofisa o Faigafaiva;

Siamupini Iosefa
Meter Matthew
Loimata Leena

Sui Alii Ofisa Sinia Faigafaiva
Alii Ofisa Faigafaiva
Tamaitai Ofisa mo le vafealoai ma nuu ma afioaga

Totive Aloaina
Uelese Tufuga
Mamoe Manolo
Elenise Fatu
Mikaele Lafaele
Matui Filifili

Alii Ofisa Faigafaiva
Alii Ofisa Faigafaiva
Alii Ofisa Lagolago Faigafaiva
Tamaitai Ofisa Lagolago Faigafaiva
Alii Ofisa Lagolago Faigafaiva
Alii Ofisa Lagolago Faigafaiva

FAALAUITELE

Fa'amatalaga	Aofaiga
O le faitauaofai o tagata o leneu alalafaga	Sili atu i le 700
O le aofai o aoga i totonu o le afioaga ---Tulagalua Junior High	1 1
Aofai o Ekalesi i totonu o le afioaga ;Mamoga ,Katoliko,Aso Situ,Metotisi.	1 Mamoga 1Aso fitu 1 Katoliko 3Metotisi
O le umi o le aau o le Afio'aga	1.4 Kilomita
O le mamao o le aau mai le matafaga (mita)	1 kilomita
Vaega aupito sili ona loloto o le aloalo pe a pe le tai (loloto , futu)	100 futu
Vaega loloto o le aloalo pe a pe le tai i aso ua mavae (futu)	100 futu

FAIGAFAlVA

Fa'amatalaga	Aofaiga
O le fitauaofai o tamaloloa faifaiva e fagogota i le tasi le aso i le vaiaso	40 - 60
Aofai o fafine fagogota i le aso i le tasi vaiaso	40 - 60
Aofai o tagata fagogota i tuaau i le aso i le tasi le vaiaso	16 - 20
Aofai o paopao e faaogaina mo faigafaiva i totonu o le Afio'aga	20 po'o le sili atu foi
Aofaiga o alia fagota o lo o faaogaina mo faigafaiva	3
E faatagaina ni tagata fagogota mai nisi alalafaga e fagogota i lo uotou gataifale?	Leai

Ituaiga I'a / Figota	Ituaiga Faigafiva	Taimi faaalu mo le tasi tau'i'a /10 i'a / ofu(Hrs)	
		Taimi nei	10 tausaga ua tea
I'a maua soo (se 5)			
1. Pone	Lama , Upetga	3 itula	½ itula
2. Malau	Ofe Tautu,Lama	3 itula	½ itula
3. Mataleele	Afa ,matau, lama	4 itula	1 itula
4. Malai	Lama , afa ma le matau	2 itula	20 minute
5. Fuga	Lama , aupega	2 itula	30 minute
Figota maua soo (se 3)			
1. Mageo	aoina	2 ½ itula	30 minute
2. Asi	aoina	2 ½ itula	30 minute
3. pipi	eli	2 ½ itula	30 minute

Isi Faigafaiiva
Sei malau
Afaafa loloa
Faataulau
Faga pusi
Faga (matatao)

Isi taumafa o le Sami	Taimi faaalu mo le /10 mea ua taua (Hrs)
Tuitui	1 itula
Paa	1 itula
ula	1 itula
Faisua	1 itula
Sea	1 ½ - 2 itula
Laumei	Sei vagana ua maua

VAEGA TAUA O LE SIOSIOMAGA MO FAUGAFAIVA

Vaega	Vaega taua (sikuea mita)	
	Taimi nei	Sefulu tausaga ua tea
Togotogo	20 sikuea mita	30 sikuea mita
Amu	600 – 700 sikuea mita	sili atu i le 700 sikuea mita
Vaovao o le sami	200 – 300 sikuea mita	200 – 300 sikuea mita

2.1 Tulafono faale-nuu i aso ua mavae ma aso nei.

O le tele o tulafono i aso ua mavae o lo'o faa'auau ona faa'aogaina pe i o aso nei . O nei tulafono e aofia ai ; fanai'a , ava niukini , vailaau oona ma tuiga.

O le faa'aogaina o fanai'a , avaniukini m vailaau oona mo fagotaga sa faasaina lea i totonu o Papa - Sataua , peitai e iai nisi o tulafono ua maea ona *faasalalauina i le leitio (ZAP) i aso ua mavae.*

I le aso 16 Me 1997, na pasia ai e le komiti le faa'auauina o le tulafono e faasaina ai faigafaiva e le talafeagai i totonu o le Afio'aga ona oni mafuaaga e pei ona taua i lalo;

- Ina ia taofia ai le soona fagotaina o le gataifale e isi tagata
- Ona o le faaogaina pea e tagata mai isi Afio'aga o Faigafaiva e le talafeagai mo fagotaga i le gataifale o lenie Afio'aga.
- Ina ia mafai ai ona malu puipuia atinae e pei ona talosagaina i gataifale o le Afio'aga.

O nei tulafono o lo'o faamamaluina ma amanaiaina e pei ona sa i ai i le taimi muamua faatoa faamamaluina ai i totonu o le Afio'aga o Asau, ae peitai e le o mamalu i nei vaitaimi ona o le le amanaiaina e isi Afio'aga o tulafono faale siosiomaga a Asau.

O mafuaaga la nei e pei ona taua e aofia ai :

- . Leai o se faamalositia faale-malo,
- . O nisi tagata o lo'o silasila nao le taimi nei ae le o tagai i le taimi oi luma faapea foi ma le lumana'i manuia o tupulaga o le Afio'aga o lo'o lalovaoa.

O nei mafuaaga uma o loo aafia i le Fuafuaga mo Pulega o le Siosiomaga o le Gataifale ma le Va'aia Lelei o i'a ma figota o Asau.

E le gafatia na o le malosi faaletulafono a le Malo ona malu puipuia ai le siosiomaga o le gataifale ma ona tamaoiga . E utiuti tulaga tau tupe ma to'agaogao foi le afaigaluega a le Malo latou te faamalositia ma unai'a tulafono tau faigafaiva i nuu taitasi o Samoa. O le fofu talafeagai o lo'o i aao o tagata o loo soifua ma alaala i le Afioaga faatasi ai ma le faamalumaluga a le Fono a Alii ma Faipule. O lenei tali o le a le pine ona unai'a tagata latou te galulue faatasi ina ia malupuipuia ma faaleleia le siosiomaga o le gataifale ma ona tamaoiga mo nei ma tupulaga o le lumana'i.

3. O lenei fuafuaga tataua

3.1 Autu

O lenei fuafuaga ua taua ai ni faatinoga e manaomia ina ia maua ai sona taunuuga maumaututu . O le faamoemoe maualuga o le Malo ina ia faalelei le siofua maloloina o tagata o le Afio'aga , ma ia fatupulaia atili le fofoga taumafa mai le sami . O lea e manaomia ai tagata uma ina ia avea nei faatinoga e puipuia ai le siosiomaga o le gataifale ma ia fuafua tatau ai le soona fagaota . O nei fuafuaga na faaalua e le Komiti Faufautua o le Va'aia Lelei o ia ma figota (KFVL) o le Afio'aga e avea ma autu.

Autu

“ Ina ia puipuia le siosiomaga o le Gataifale ma le toe faatupulaia o Ia ma Figota mo tupulaga o le lumanai.”

Na ioeina e le fonotaga a le Komiti (KFVL) i le Aso 16 o Oketopa 1997, o le Fono a Alii ma Faipule latou te faamalosi ma uanaia vaega eseese o le Afio'aga aua le puipui ma le faasao o atinae ma alamanuia o le gataifale o Asau . O le komiti o loo gafa ma le tapenaga o tulafono o tuafono aemaise o vaega uma e tatau mo le pule mamalu a Alii ma Faipule mo le pasiaina .

O lenei fuafuaga ua faamoemoe ina ia oo atu i se taimi oi luma o lo'o faa'aogaina pea, ae peitai afai ae i ai se suiga , e tatau lava ona toe feutagai lelei vaega uma .(Afio'aga ma le Ofisa o Faigafaiva).

3.2 Tapenaga

O lenei tapenaga sa sunia lava e tagata o le Afio'aga o Asau faatasi ai ma ni fautuaga auiliili ma le lagolagosua a le vaega o Faigafaiva o le Matagaluega o Faatoaga ma Faigafaiva . O se oototoga lenei o tapenaga o le Pulega o le Siosiomaga o le Gataifale ma le Va'aia Lelei o i'a ma figota.

Feiloaina Muamua : O lenei feiloaiga muamua sa faafesootai lea e Mauisiisi Moamoa (Alii Ofisa va ma nuu) ma Mamoe Manolo (Alii Ofisa o Faigafaiva) i le aso 2 Aperila 1997 , ona o le faamoemoe ia faaleleia le gataifale o le Afioaga o Asau . O lenei feiloaiga na faafesootaia le susuga i le Pulenuu ma tuuina atu ai loa le fonotaga a le Afioaga ma atofaina ai loa le uluai fono poo le fono muamua ..

Fono Muamua: O le tauaofiaga o le fono tele a le Afio'aga i le Aso 05 o Me, na taliaina aloaia ai polokame ma sa vaevaeina ai loa le mamalu o le Afio'aga i ni vaega e tolu.

Vaevaeina o Vaega : O vaega sa vaevaeina i ai e aofia ai Matai , Aumaga ma le Komiti a Tina ma Tamaitai . Sa feiloai nei vaega ma sui o le Ofisa o Faigafaiva (Extensión staff) ma faatalatalanoaina o faafitauli o le gataifale o loo aliae i le Afioaga atoa ai ma ni tali talafeagai e áfono foia ai nei faatitauli.

Komiti Fauaufautua mo le Va'aia Lelei o i'a ma figota (KFVL): I lenei komiti o lo'o aofia ai sui taitoatolu sa filifilia mai i vaega taitasi faatasi ai ma le susuga i le pulenuu. O lenei komiti sa latou tuufaatasia faamaumauga ma faamatalaga mai i vaega taitasi ma sa mafai ai ona latou tapenaina se ata faataitai o le Pulega o le Siosiomaga o le Gataifale ma Va'aia Lelei o i'a ma figota . O lenei fuafuaga o lo'o aafia ai lagona o tagata o le Afio'aga i le puleaina o faigafaiva ma le siosiomaga o le Gataifale.

Tauaofiaga o le Fono Tele: O le a tauaofia lenei Fono i le Aso 26 Iuni 1997 mo le taliaina atoa ma se teuteuga o le fuafuaga muamua o le pulega o le Siosiomaga o le Gataifale ma le Va'aia Lelei o i'a ma figota.

4. Fuafuaga Faataatitia

O fuafuaga faataatitia o ni gaiouga ua faamoemoe e faono foia ai faafitauli ua faaalua ma faailoa mai e vaega eseese o le Afio'aga. E lua (2) ituaiga fuafuaga faataatitia lea ua fuafuaina . Muamua , o le fuafuaga ua aupito sili ona taua , o fuafuaga faataatitia lea ua faagaga mo nuu poo Afioaga . O lona lua o fuafuaga faataatitia , ua faamoemoe lea mo le Ofisa o Faigafaiva , ma o lenei tapueina o le faamoemoe ua fuafuaina. O gaiouga uma lav ua faamoemoe e faatino ai fuafuaga faataatitia mo le Ofisa o Faigafaiva e ao ona faamaonia e le Faatonu Lagolago (Faigafaiva) o le Matagaluega o Faatoaga ma Faigafaiva . O ne fuafuaga uma ua faamoemoe lo latou faataunuuna i le lagolagosua mai o le Afioaga ma ona tagatanuu. O fuafuaga faataatitia o le a fesosoani ai vaega o faigafaiva e ala atu i ata video m, pepa o faamatalaga , faia o ni tautalaga i vaega eseese e pei o aoga ma faalapotopotoga faale-ekalesia atoa ai ma le susesueina o tulaga eseese o le gataifale e talafeagai mo atinae.

Nafaavae ma pasiaina e le fono a le komiti i le aso 28 o Setema , ni tulafono e aiaia ai nisi o mataupu e pei ona taua :

- . *O faigafaiva le talafeagai -(e pei o fanaia ,vailaau oona , ava niukini ma isi)*
- . *Fautuaga mo suauu o lo'o masaa ese mai vaa i le gataifale.*
- . *Nisi o vaega faasaoina e pei o - ogasami faasaoina , faafaatoagaina o ia ma figota o le sami.*

. *Faatasi ai ma faigafaiva mai isi afio'aga.*

O se aotelega o nei fuafuaga faataatitia na faapogai mai leai faatalatalanoaga o faafitauli ma tali talafeagai i fonotaga a vaega eseese o le Afio'aga . O nei fuafuaga ua aofia ai faatinoga ma tulafono e pei ona fautuaina e vaega eseese mo le fono mamalu a Alii ma Faipule .

4.1 Ina ia faamalosia tulafono faale-nuu e faasaina ai faigafaiva e le talafeagai i Asau

Otootoga

O nisi o faigafaiva ua mautinoa lo latou tulaga ogaoga i le faatamaiaina o le fogatai (amu) ma le tele o meaola o le gataifale , ma o se faataitai o nei ituaiga o faigafaiva e pei o le vailaau tālavalava ,ava niukini ,tuiga poo le faamoā atoa ai saeuga ma fanaia. Ua le gata ina faatamaia ai se vaega tele o le fogatai (amu) ae ua faapena foi ona faaumiumi se taimi e mafai ai ona toe faatupuina le tele o meaola o le gataifale ua aafia ma mamate i nei ituaiga o faigafaiva . Ua mautinoa foi o le tasi lenei o itu ua tauau ina mou atu ai le palolo , se tasi foi o mataiaia a tuua sa sili ona tetele i aso ua mavae , ao lenei ua tauau ina mou atu, ona ua faaleagaina le tele o amu o le fogatai .A faaleagaina le fogatai o lona uiga o le a leai ni i'a ma ni figota e maua mai .

Fuafuaga Faataatitia a le Afio'aga.

I le fonotaga i le aso 16 Me 1997 a le Komiti (KFVL) na molimauina ai le toe faamalosia ma unaia ai le komiti ina ia toe faasalalauina ma faamautuina ataili le tulafono ina ia malu puipuia ai tulaga o le atinae aemaise o ogasami faasaina .

Fautuaga

Ina ia faatumauiina pea ma faamalosia tulafono o lo'o iai a le Afio'aga mo le faasaina o faigafiva le talafeagai. Ua taua foi e le komiti le tuuina atu o le faasalaga i nisi o i latou sa latou solia nei tulafono i nai vaiaso e lei mamao atu.

Tulafono :-

“Ua matua faasaina lava faigafaiva le talafeagai e pei o fana'ia, ava niukini ,faamo'a/tuiga/saeuga ma vailaau oona i le gataifale o le Afio'ag o Asau .”

Taimi Fautuaina

Ina ia aloai'a le faamamaluina ma le faamalosia o lenei tulafono pe a mavae le Fono tele e pasia ai le Pulega o le Siosiomaga o le Gataifale ma le Va'aia Lelei o ia ma figota ia , Iuni 1997.

Faasalaga Fautuaina

O faasalaga o loo i ai nei mo soo se tagata o Asau e maua ua solia le tulafono, e 5 aumatua. O le le usitaia o lenei faasalaga o le a i aao pea o Alii ma Faipule sei vagana ai tagata mai isi Afioaga o lona faasalaga o le molia loa i le tulafono.

Fuafuaga Faataatitia a le Ofisa o Faigafaiva

O le a fesoasoani le Ofisa o Faigafaiva mo le faatinoina o fuafuaga faataatitia a le Afio'aga e ala atu i lana polokalame fesoasoani faatasi ma le lagolagosua i faamatalaga ma fautuaga mo le faamautuina o fuafuaga atoa ai ma le faasalalauina o nei tulafono a le Afio'aga pe a maea ona pasia ma tapenaina e Alii ma Faipule o le Afio'aga.

4.2 Tulafono e Taofia ai faigafaiva i ogasami faasaoina

Otootoga

Ua fautuaina e le KFVL le faamamalu o tulafono a le nuu ua faamoemoe ma faagaga i le puipuiga o le siosiomaga o le gataifale ma ona tamaoaiga ae faapea foi i ogasami faasaoina . Sa iloiloaina foi e le Komiti e ao ona toe silasila totoa le afioaga i tulafono , i aso ua mavae faatasi ai ma nisi o tulafono fou ina ia mafai ai ona maua le silafia faalauaitela e le atunuu ma tagata lautele tusa o aiaiga uma o nei tulafono aemaise lava ogasami o le a faasaoina .

Fautuaga

Ina ia silafia ai e le Atunuu aemaise ai o Afio'aga tuaoi ma ia faapea foi ona nofouta i ai e tusa o faasalaga ua aiaia e Alii ma Faipule o Asau

Tulafono

“Ua matua faasaina lava soo se tasi ona toe fagotaina pe solia foi ogasami o le a faasaoina ma puipuia.”

Faasalaga Fautuaina

O le a i aao pea o Alii ma Faipule atoa ai ma le komiti filifilia (KFVL) mo le vaaia lelei o ia ma figota.

Taimi Fautuaina

O le faamamaluina o tulafono uma atoa ma ona aiaiga o le a faataunuaina pe a maea ona pasia e le Fono a Alii ma Faipule o le Afio'aga i le masina o Iuni.

Fuafuaga Faataatitia a le Ofisa o Faigafaiva

O le fesoasoani le Ofisa o Faigafaiva i le tapenaina o le tulafono a le Afioaga atoa ai ma le faasalalauina mo le silafia e le Atunuu .O lenei foi tulafono , o le a faamalosia e le Ofisa o Faigafaiva lalo o lana Tulafono 1996.

4.3 Fautuaga mo vaa suauu o loo uia gataifale o Asau.

Otootoga

O se tasi lenei o vaega o loo aafia i faatalatalanoaga i vaega taitasi, na faalia ai e le itupa o Aumaga ina ia faia se tulafono e puipuia ai lea tulaga. Ma ua lagolagoina foi e pule mamalu a Alii ma Faipule ona o puipuiga lava o le siosiomaga faa-le-gataifale.

O le masaa ese mai o suauu o le a;

- avea ma auala e mamate ai i'a atoa ai ma nisi meaola o le sami o lo'o i ai.
- Mamate ai amu ma le toe mau ia nofoaga e tautuufua ma ofaga ai, o le a faapea foi ona le ola lelei ni atinae o le a faamoemoe mo le gataifale.

Fuafuaga faataatitia a le Afio'aga

E ao i le Afioaga ona silasila totoa ma mataituina nei vaa suauu mai le masaa ese mai o suauu ma penesini ina ia mautinoa ai le ola lelei o meaola o le gataifale. Ae maise o ni atinae o le a faafaatoagaina ai.

Fuafuaga faataatitia a le Ofisa o Faigafaiva

O le a fesosoani le ofisa o faigafaiva mo le faatinoina o fuafuaga faataatitia a le afioaga e ala atu i lana polokalame fesosoani faatasi ma le lagolagosua i faamatalaga i tulafono faa-le – siosiomaga. O le a fesosoani foi le Ofisa ina ia avea o se tulafono lagolago a le malo lea tulaga.

4.4 Ia iloiloina le tulaga talafeagai o le faasaoina o se vaega o le gataifale o le Afioaga.

Otootoga

O se vaega o le gataifale ua faasaoina e tatau ona le toe aafia lea i ni faigafaiva. O le avea o se vaega o le gataifale ma ogasami faasaoina e ao ona aafia ai le malu puipuia o le siosiomaga ma ona tamaoiga (fogota ma i'a). O lenei vaega faasao o le a faasaoina ai togotogo, amu, aau faapea foi i'a ma figota ina ia mafai ona maua e nei meaola le avanoa e tautuufua ma fanafanau ai. O le autu taua lava, o le a avea ai lenei faasao ma punaaga o ia ma figota e mafai ai ona faaleleia nisi o vaega o le gataifale ua afaina. O le a fanafanau ma tautuufua i'a ma figota o lo'o aumau ma nofononofo i le vaega faasaoina ma tafea atu o latou fua fanal ma faatupuina ai meaola i nofoaga ua le maua ai ni i'a ma figota. O le a le pine ona manuia i tatou ae faapea foi tupulaga p le lumanai.

Fuafuaga Faataatitia a le Afio'aga

O le Afio'aga o ao ona --;

- * Galulue faatasi ma lagolagosua i le aufaigaluega a le Ofisa o Faigafaiva i le faatinoina o le iloiloga o le tulaga talafeagai o se vaega o le gataifale o Fagae'e e avea ma vaega faasaoina.
- * Talanoaina ma auililina se lipoti ma ia faia iai se faaiuga i le faavaeina o le vaega faasaoina.

- * Ia faatinoina loa fuafuaga mo le faavaeina o le vaega faasao e pei o le mataitau ,tausiga ma le pulea lelei o se vaega ua atofaina .
- * Ina ia faasalalauina i le ea se maliega a le Afioaga ua iai e faasaga i le ogasami faasaoina. O tagata fagogota uma e tatau ona 20 iata le mamao o le vaega o loo fagogota ai ma le ogasami faasaoina .

Fautuaga

Ua fautuaina e le Komiti le faia o se tulafono e faasaina ai so'o se tasi ona toe fagotaina le vaega ua faasaoina e le Afio'aga.

Tulafono

“Ua matua faasaina lava so'o se tasi mai nisi o Afio'aga ona toe fai ni faigafaiva ma so'o se isi lava ituaiga o fagotaga i le gataufale o Asau i vaega o le aloalo ua faasaoina ”

Fuafuaga Faataatitia a le Ofisa o Faigafaiva

O le Ofisa o Faigafaiva o le a :-

- * Faatinoina le suesuega o le tulaga o se vaega o le gataifale e avea ma vaega faasaoina a'o le'i maea le masina o Iulai 1997
- * Saunia se lipoti mo le tuuina atu i le komiti o le Pulega O Faigafaiva ma le fonu.
- * Pe a tusa ai o le a tuuina atu ni fautuaga ma ni faamatalaga mo le tausiga, pulea ma le vaai lelei o le vaega faasaoina o le gataifale o le Afio'aga .

4.5 Ia iloiloina le tulaga talafeagai ma le lelei o le gataifale mo le tufaina atu ma le faafaatoagaina o i'a ma figota

Otootoga

O le tufaina atu ua faatatau lea i le aumaia o ni figota po'o ni i'a mai isi Atunuu ma tufa atu e faaola i se ogasami ua talafeagai .O le faafaatoagaina ua faatatau lea i le faaolaina-i-vai o ia ma figota i se nofoaga ua saunia .O le tufaina atu ma le faafaatoagaina o nisi ia o auala faa-atinae mo le faatupuina o i'a ma figota aua le fofoga taumafa o se afio'aga. O nei auala faa-atinae e moomia ai lava le galulue filiga ma le faamaoni o le Afio'aga ina ia ausia se taunuuga lelei.

Faamatalaga faapoopo- TUFAINA O FIGOTA

. O le tufaina atu ua faatatauina lea i le aumaia o ni figota po o ni ia mai si isi atunuu e faaolaina i se ogasami talafeagai lelei . O le tufaina o le figota o le aliao i le tele o atunuu o le Pasefika ua mautinoa ai le lelei o ni faamanuiaga na mafai ona seleseleina e nei atunuu. I Fiti na mafai ona toomaga i ai tagata i le aano o le aliao e avea ma mea taumafa . O lona atigi na mafai ona faatauina atu e gaosi ai faamau o ofu i fale gaosi mea . I le Atu Kuki e tusa ma le 280 aliao na tufaina atu i ai ma na mafai ona maua mai ai se aofaiga e tusa ma le 200 tone o atigi aliao i le tausaga na faatauina i fale gaosi faamau . I le 1990 na tufaina atu ai i sami o le motu o Namua Aleipata le 40 o aliao ma e le o mai iloa tonu le tulaga ua oo i ai nei aliao

I le tele o vaega o le aloalo ma le aau o Samoa i Sísifo o loo maua ai figota e pei o le pae ,asi ma le tugane. O nei figota ua mautinoa lo latou faaitiitia talu ai o le fagotaina e tagat mo le fofoga taumafa ae ua faapena foi ona faatamaiaina o latou nofoaga e afa malolosi . I le tele o nofoaga ua le toe maua ai ni figota pau le faamoemoe o le aumaia lea o ni figota mai nisi atunuu ma tufaina atu i ai aua le faaolaina i nei vaega o le gataifale .

Fuafuaga Faataatitia a le Afio’aga

E ao i le Afio’aga ona -:

- * Galulue faatasi ma le afaigaluega a le Ofisa o Faigafaiva i le faatinoga o le iloiloga pe talafeagai ma lelei le gataifale o Asau i le tufaina atu ma le faafaatoagaina o i’a ma figota.
- * Auiliiliina o se lipoti i suesuega o le talafeagai o le gataifale , ma ia faia se faaiuga i le faatinoina o nei atinae i totonu o Asau
- * Galulue faatasi mo le leoleoina o nei atinae ma vaaia o tagata o lo o latou faatamaia ma solia tulafono e faatatau i nei atinae.

Fuafuaga Faataatitia a le Ofisa o Faigafaiva

E ao i le Ofisa o Faigafaiva -;

- * O le tuuina atu ni fautuaga ma ni faamatalaga mo le tausia ga o figota.
- * Pe a tusa ai ma fuafuaga o le a tuuina atu figota mo le tufaina atu i ogasami ua fuafuaina .
- * Fesoasoani i le vaaia ma le mataituina o le sologa lelei o le tuputupu ae o figota ua atinaeina.

4.6 Ia unaia Faigafaiva i tuaau ma Aoaoga mo faigafaiva Otootoga

E mafai ma faaono faaleleia le tamaoaiga o i’a ma figota maua i luga o l aau ma vaega o le gataifale ua faaleagaina pe afai ae faaitiitia le fagotaina o nei vaega o le gataifale po’o o le unaia o tulaga tau faigafaiva i tuaau ma aau mamao . O se tasi o auala e faaono faalelei ai le tamaoaiga o le gataifale o le fagotaina lea o ogasami o le gataifale e lei fagotaina lava aemaise o tuaau . Ua i ai le talitonuga i le KFVL e ao ona unaia ma faamalosi le faigafaiva i tuaau ma aau mamao ina ia tuumamaina ai le fagotaina o i’a ma fagota o le aau

ma le aloalo. Ua le gata foi i lea , ae o le a mafai ai ona toe faatupulaia ma faaleleia ai le tamaoiga o le tele o vaega o le gataifale ua faaleagaina .Talu ai ona o le tele o nuu e leai ni vaa e talafegai mo fagotaga i tuaau o lea ua taumafai ai le Ofisa o Faigafaiva e sailia ni vaa talafeagai ma lea faamoemoe.

Fuafuaga Faataatitia a le Afioaga

Ua faatalosagaina e le afioaga le Ofisa o Faigafaiva mo ni a latou vaa fagota se fa (4) ma ia faatinoina se aoaoga i auala tau faigafaiva e aoaoina ai le autautai o le nuu ma ia faatautaia e se Alii Ofisa o Faigafaiva ua i ai se tomai faapitoa tau faigafaiva .

Faamatalaga faapoopo - Vaa mo fagotaga i tuaau; O le leai o ni vaa talafegai mo fagotaga i tuaau o le ala lea ua avaea ma vaegase i le unaia o faigafaiva i tuaau.E leai se vaa fagota e i le va o le alia ma le paopao, ma o se vaa i lea va ua talafeagai , ua filifilia ai le vaa e i le va o le 14-16ft ma o lona tau e itiiti ifo o le \$10,000.00 tala tuufatasi i ai ma lona afi . O lenei ituaiga vaa e mafi ona faaaavaaina e ni tagata se toa 2 pe 3 foi ma e mafai ona faaaogaina lenei vaa i faigafaiva i tuaau. O le a fesoasoani le Ofisa o Faigafaiva i aiaiga taitasi i mea tau nonoga tupe aua le faatauina o le vaa ma le afi . O le a faia foi ni aoaoga mo le saogalemu i luga o le sami , teina ma le vaaia lelei o i'a tausiga o vaa atoa ai ma le faiga o mea fagota.

Fuafuaga Faataatitia a le Ofisa o Faigafaiva

O le a ioiloina e le Ofisa o Faigafaiva manaoga i auala tau faigafaiva e ao ona fesoasoani ai e aoaoina ai le mamalu o le autautai o le Afio'aga .O itu taua o le a aafia i nei aoaoga e pei o le teuina ma le vaaia lelei o ia , saogalemu i luga o sami , tausiga o afi vaa , faa'asuina o i'a ma isi lava mataupu taua.

4.7 Faamatalaga e uiga i Upega ma I'a laiti

Otootoga

O le talanoaina o upega i le fonotaga i le Aso 28 o Setema , 1999 ma ua ioeina ai e le komiti le faaaogaina loa o le Tulafono Faatonutonu mo Faigafaiva 1996 e pei ona pasia e le Malo o Samoa ia Aperila i le tausaga 1996 mo le vaega e pei ona taua i luga . O lenei tulafono o loo aofia ai mata-upega fagota ma pa ia e faatagaina .(Silasila i le Pepa Faamatala 6) atoa ai ma le tulafono e aiaia ai le lapopoa talafeagai o ia e ao ona fagotaina .

Fautuaga

Sa fautuaina e le Komiti le Ofisa o Faigafaiva ina ia taofia le faatauina mai e le Faleoloa o Faatoaga o upega mata nini'i, ae peitai sa faaalua e le Ofisa o Faigafaiva e le mafai ona faia lea tulaga i le taimi nei ona o nei upega o lo o faaaogaina i isi galuega e pei o togalaau aina atoa ai ma isi atinae e puipui mai ai i iniseti faalafua.

Sa faaalua e le Ofisa o Faigafaiva o loo iai tulafono a le Malo ua maea ona pasiaina e faatatau i le

faaogaina o nei upega mo fagotaga ma ua faamalosi nei foi e le Malo faasalaga mo soo se tasi e solia lenei tulafono.

Tulafono

Mo tagatanuu o Fagamalo faapea tagata ese mai isi afioaga:-

“Ua matua faasaina lava ona toe faaogaina matāupega e i lalo ifo o le 2 inisi pe 50mm (fua sūsū), i gataifale o le Fagae’e”

“Ua matua faasaina foi ona toe faaogaina upega toloatu ma tili e i lalo ifo o le 1.2 inisi pe 30mm (fua sūsū) i gataifale o le afioaga.”

O le pui puiga ma le faamamaluina o lenei tulafono o le a i aao o le pule a alii ma faipule ma le afioaga.

Fuafuaga Faataatitia a le Ofisa o Faigafaiva

O le a fesoasoani le Ofisa o Faigafaiva mo le faatinoina o fuafuaga faataatitia a le Afioaga e ala atu i lana polokalame fesoasoani faatasi ma le lagolagosua i faamatalaga ma fautuaga mo le faamautuina o fuafuaga uma.

4.8 Tulafono e taofia ai faatafunaina o le gataifale – lafoaiina o otaota i le sami ma matafaga.

Otootoga

O se tasi lenei o vaega o loo lavea i tulafono ua maea faasalalauina ma ua ioeina e le Komiti ina ia toe faaopoopoina faasalaga ina ia mafai ona saga unaia pea le Afioaga mo lona lelei alu i luma .

O le lafoai o otaota i le sami ma le matafaga e faapogai ai le ;

- Avea ma nofoaga e tautuufua ai namu, faamanu’alia ai pe lavevea ai vae mai atigi apa ma atigi fagu ae faapena foi ona avea ma nofoaga o punaaga o faama’i .
- Avea o se nofoaga le talafeagai mo meaola o le gataifale .

O le foia o nei faafitauli o le atofaina lea o se nofoaga e lafoai uma i ai otaota a le Afio’aga atoa . E mafai ona lafoai otaota i se lua ma ufiufi malu lelei aua le saogalemu mai i faamai ma siama feaveai . Talu ai e mafai ona tafe ma ulu atu le oona o lapisi po’o vaila’au e lafoai i le lua o lapisi , o lea e fautuaina ai le eliina o lenei lua o lapisi i se nofoaga mamao ese mai i puna vai taumafa ma le sami.

Fuafuaga Faataatitia a le Afio’aga

O nisi o fuafuaga faataatitia a le Afio’aga o le saunia lea ma eliina o se lua e faagaga mo le tuuina i ai o lapisi ma otaota e pei ona taua.

Tulafono

“Ua matua fasaina lava ona toe lafoai lapisi ma otaota e pei o atigi apa, fagu, uamea, pepa iila ma isi i le sami.”

Faasalaga

O le solia o leni tulafono o lona faasalaga e \$20.00 O le le usitaia o leni faasalaga o le a tuuina atu loa i aao o Alii ma Faipule.

Fuafuaga Faataatitia a le Ofisa o Faigafaiva

O le a fesoasoani le Ofisa o Faigafaiva mo le faatinoina o fuafuaga faataatitia a le Afioaga e ala atu i lona polokalame fesoasoani faatasi ma le lagolagosua i faamatalaga ma fautuaga mo le faamautuina o fuafuaga.

4.9 Ia aoina ma faatamaia le Alamea

Otootoga

O o le alamea o se meaola o le ituaiga o le aveau ma e nofo i luga o le aau . O leni meaola na te aiina meaola ninii ua taua o ‘polipe’ o loo fausiaina ai le amu . A oo ina faateleina leni meaola o le alamea o le a faapena ona latou faatamaia se vaega tele o le aau ma avea ai o se tulaga pagatia o le a feagai ma le tele o meaola o lo’o faalagolago i le aau mo ofaga ma meaai . E le mafai ona faaumatia pe faanini’iina leni meaola aua e mafai e nei itutino ona faatupuina mai ai nisi alamea fou seia vagana lava ua aumaia i le pa’umatu ma faamagoina ai.

Fuafuaga Faataatitia a le Afio’aga

Ua faailoa mai e Aumaga ma Autautai o le alamea o se tasi lea o faafitauli o loo i ai i gataifale o Asau

Fautuaga

Ia aoina ma faaputuina e le afioaga le alamea pe a latou vaaia pe tau foi i ai i taimai o fagotaga . Ia aumaia i uta nei mealo ma tanuina pe faamagoina .Sa fautuaina foi ma faaali finagalo o Alii ma Faipule o Asau . O le a tumafai le aumaga ma le autautai e latou te aoina mai le alamea ma faatamaia i uta .

Fuafuaga Faataatitia a le Ofisa o Faigafaiva.

O le faamalamalamaga o ni fesili e faatatau i le alamea sa faapupulaina ai i le afioaga e leai se polokalame a le Malo e totogi ai le aoina ma le faatamaiaina o leni meaola , ae vagana ai fesoasoani mai o le Ofisa o Faigafaiva e ala i fautuaga mo auala e tineia ai le alamea.

1. Na faatalosagaina e le Afioaga ni vaa-fagota se lua mo le faamalosia ma le unaina o faigafaiva i tuaau ma aau mamao mo le faamoemoe ina ia tuu se avanoa i le aloalo mo le toe faalelei o ona tamaoaiga.
2. Na latou talosagaina foi ni faisua mo le faafaileleina i totonu o latou aloalo pe talafeagai ma lea foi faamoemoe.